

**POESÍES**  
**DE STEFANIA PITSCHEIDER**

(ladin-mareo)

**dilema**

che iu adori  
le grisc y le föm y le movimont y la plöia y la vera y le vin  
y l'autocomiseraziun y le scich  
y dui edli te na iesta foscia co cíara dadascusc a mia vita

y renunzii  
al vërt y ala pêsc  
(cí pêsc?)

**A Oscar Wilde**

la natöra donta êrt  
sce i emparun endô

(cinicamonter)

l'êrt desmoncíada  
dal montí

\*

mâ iu y tö sán  
degügn zonza

tan bun che i t'á orü  
inće  
sce i ne t'á nia orü

o deache i ne t'á nia orü

en falz moralism t'ess copé deplü  
y mè empara

corp  
nia conform  
con debojügn  
estetics

ciorvel  
tres manco conform  
con debojügn inteletuai

çi co ea liberté  
è sën porjun

\*

bel lingaz dla oma cara

cô poi pa  
ciafé  
identité

chirida  
bradlada

canche  
i t'ami  
sona foresto

y iu n'á nia parores  
por mi sentimoné

\*

a s'odëi

see you soon

forse un giorno  
niemals

iu  
adurbada  
y  
zonza identité

tramont tal magun  
vintot nanüs  
liun y agnel

dejesset  
sunse sciampada  
desprijada  
amada  
scraiada  
rita y ria

la porta è sèn slüta

sc' te foss manco  
agnel y liun  
y la daurisson adöm?

\*

mies parores d'amur  
n'è nia por tè  
che t'es mia pera y mio mer  
mo  
por chi co vën  
sta en pü  
passa  
y  
sparësc